



Broj: 05/01-04-24618-18/23
Sarajevo, 14.06.2023. godine

SKUPŠTINA KANTONA SARAJEVO

- ovdje -

n/r Elvedin Okerić, predsjedavajući

PREDMET: Dostava odgovora na zastupničko pitanje - zastupnica Danijela Kristić

Zastupnica Danijela Kristić na Osmoj radnoj sjednici Skupštine Kantona Sarajevo, održanoj dana 30.05.2023. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je zastupničko pitanje, kako slijedi:

- "Planira li se uvođenje eco licence, odnosno naknade za organizaciju moto cros tura (off road adventure) kao vrsta turističke atrakcije kao i naknada za ostale vlasnike off road vozila u svrhu očuvanja (zaštite) eco sistema - nešto poput Taxi licence da bi se uspostavila kontrola odnosno u slučaju incidenta da građani mogu obavjestiti nadležne institucije za provođenje Zakona o eventualnom propustu
- Da specijalizovane službe eco radari, rendžeri, šumarski inspektori u slučaju susreta sa istim mogu imati vizualni kontakt vezano za obilježavanje vozila."

ODGOVOR:

Uvođenje eco licenci, odnosno naknada za organizaciju moto cros tura nije propisano federalnim Zakonom o zaštiti prirode ("Službene novine Federacije BiH", broj 66/13), pa Ministarstvo nema nadležnost niti mehanizme i procedure za uređenje ove oblasti.

Inače, članom 9. pomenutog Zakona o zaštiti prirode propisano je da je ovo Ministarstvo zajedno sa Kantonalnim zavodom za zaštitu kulturno-historijskog i prirodnog naslijeđa Sarajevo nadležno za poslove zaštite prirode na području Kantona Sarajevo. Ovo se prevashodno odnosi na zaštitu, održivo korištenje i unaprijeđenje stanja zaštićenih prirodnih područja u Kantonu Sarajevo, a prema posebnim zakonima o proglašenju zaštite koje je donijela Skupština Kantona Sarajevo za područje Zaštićenog pejzaža "Bijambare", Zaštićenog pejzaža "Trebević", Zaštićenog pejzaža "Bentbaša", te Spomenika prirode "Vrelo Bosne" i Spomenika prirode "Skakavac".

Ono što je značajno pomenuti jest da je u okviru mjera zaštite u zaštićenim područjima propisana zabrana, između ostalog, obavljanje i ovog vida saobraćaja, a imajući u vidu o kakvoj se vrsti vozila radi i na koji način obavljanje saobraćaja istim može štetno djelovati kako na identifikovane ekosisteme u zaštićenim područjima, tako i sa aspekta uznemiravanja životinja i njihovih prirodnih staništa.

U tom smislu, valja pomenuti i odredbe člana 14. Zakona o zaštiti prirode kojim je propisano, da je radi sprječavanja nanošenja šteta na prirodi zabranjeno na područjima izvan naselja i izvan svih vrsta cesta, poljskih puteva, uređenih staza i poligona za vožnju (test vožnje, cross vožnje, off-road vožnje, sportske, takmičarske i promotivne vožnje, te njima slični oblici korištenja), voziti, parkirati ili organizirati vožnje vozilima na motorni pogon osim u slučajevima obavljanja službene dužnosti, poljoprivrednih, šumarskih ili drugih dopuštenih djelatnosti, odnosno kada je to u skladu s ovim Zakonom i drugim propisima.

S poštovanjem,



Dostaviti:

- ☉ Predsjedavajući Skupštine Kantona Sarajevo
- Stručna služba Vlade Kantona Sarajevo
- Služba za skupštinske poslove + CD
- Evidencija (2x)
- a/a